

田家占候集覽

田家占候集覽卷九

海甯鄒存淦儂筮編輯

○冬

釋名冬 三冬 九冬 玄英 景曰玄景寒景

時曰寒辰 節曰嚴節

冬月最忌乙酉風

樂清縣志

冬天南風主雪

田家五行

一云南風三日主雪

冬雷地必震民飢萬物不成

冬雪盈尺來年大豐積雪歲美人和無雪來年麥惡五

穀不成蟲生人疫

冬無雪麥不結

種樹書

卷九 冬

冬三月虹出西方青雲覆之春雨調和白雲覆之春多  
狂風黑雲覆之春多雨水

冬天近晚忽有老鯉斑雲起漸合成濃陰者必無雨名  
曰護霜天諺云識每護霜天不識每著子一夜眠  
水冬不冰為饑為兵有災疫地不凍其鄉人流亡

攝

冬三月宜煖足凍腦則無眩暈之疾

早卧晚起必待日光無泄大汗勿犯冰凍温養神  
氣無令邪氣外至

宜服寒衣伸足卧則一身俱煖

卧須頭向北有所利蓋

冬夜漏長不可多食硬物並濕軟菓餅食訖須行

百步摩腹法搖動令消方睡不爾後成脚氣  
冬夜卧被蓋太煖睡覺即張目吐氣以出其積毒  
則永無疾

大雪中跣足做事不可便以熱湯浸洗觸寒而回  
若未解不可便喫熱湯熱食須少頃方可

冬傷於汗春必病濕

冬夜不宜以冷物鐵石為枕或焙煖枕之令人目  
暗

食服

冬三月食芋不發病

焚

冬氣寒宜食黍以熱性治其寒禁炙飲食並火焙

衣服

卷九冬

冬月不可多食葱令人發疾

冬三月勿食猪羊等腎

冬月勿以梨攪熱酒飲令人頭旋不可枝梧

鑽碎

忌宜冬三月戊寅己卯癸酉辛巳丁亥及壬丙戊癸宜

### 煉丹藥

冬月雪花不可點入目內令目病喪明

治法以雪汁浸種倍收且不生蟲

硯水慮凍少著鹽可解

硯水當嚴寒時用荔枝壳煎湯或川椒煎湯寫字

不凍

瓶花水冬月入硫磺不凍夏日入火燒瓦一片不

臭

。十月

名釋上冬

孟冬

陽月

正陰

小春

立冬之日水始冰又五日地始凍又五日雉入大水為蜃水不冰是謂陰負地不始凍咎徵之咎雉不入大水國多淫婦小雪之日虹藏不見又五日天氣上騰地氣下降又五日閉塞而成冬虹不藏婦不專一天氣不上騰地氣不下降君臣相嫉不閉塞而成冬母后淫佚孟冬行春令則凍閉不密地氣上泄民多流亡行夏令則國多暴風方冬不寒蟄蟲復出行秋令則雪霜不時小兵時起土地侵削

卷九十月

三

是月也蘆傳冬菜蒔木葉避霜芳草斂漢宮秋老苧麻  
護其根

十月日食冬旱六畜貴魚鹽貴秦大凶來秋穀貴黃帝占

月食魚鹽貴衛國惡秋穀貴

月無光六畜貴

十月內虹出東北方其邑亡二如亭群芳譜

雷鳴人民災五穀薄庚戌辛亥日雷鳴來年正月米貴

陰氣盛田薄收

十月雷鳴所當之處骸骨盈野入夜尤甚五行家

十月雷人死用耜推農政全書又云十月雷路白雨來催

十月雷主疫

十月雨連連高山也是田

壬寅癸卯雨春粟貴諺云雨夾雪無休歇

十月中不寒民多暴死

有霧為沫露主來年水大相去二百里五日水至須看

霧着水面則輕離水面則重諺云十月沫露塘澀十一

月沫露塘乾

田家五行

癸巳霧赤為兵青為殃

有三郊糧平無則穀貴

調是月夜長內熱少食溫軟之物食訖搖動令消不

爾成脚氣

是月枕鐵石令人眼暗

卷九十月



勿帶暖帽使腦受凍則無眩暈之疾  
是月夫婦戒同寢忌純陰用事

服食 是月食芋無礙

是月亥日食餅令人無病

宜進棗湯其法取大棗去皮核於文武火上翻覆  
焙香然後泡作湯服

勿食韭令人多涕唾勿食葱勿食猪肉猪腰子發  
宿疾勿食椒損心傷血脉勿食獐肉動氣勿食熊  
肉傷神食經霜菜令人面無光

宜忌 是月天道南行作事出行宜正南方吉

不宜用亥日犯月建不利

是月御女宜初二初四初九初十十四十七十八

十九二十廿二廿三廿四等日

新切切書

娘上巳日將槐子株在新磁器內盛以盆合其上密

泥勿走氣三七日開取去皮從是月一日服槐子

一粒清水下日加一粒直至月半却減一粒終而

復始明目極驗

一方云槐子乃虛星之精是月上巳日採而吞之

每服二十一粒去百病長生通神

雜事築垣墻堦北戶 縛薦 遮掩牛馬屋 收槐實

楮實 收牛膝地黃 造牛衣 盤瘞蒲桃 包

罌粟樹石榴樹不爾即凍死 收諸般穀種大小

豆種農桑輯要

○立冬

晴主小寒人吉又諺云立冬日晴主冬暖又主多魚今月

通攷 雨主無魚諺云一點雨一個模魚鵠農政全書

立冬日先立一丈竿占影得一尺大疫大旱大暑大飢

二尺赤地千里三尺大旱四尺五尺低田收六尺高低

田熟七尺高田收八尺澇九尺大水一丈水入城郭家

事親

風從乾來天下安年豐坎來多霜殺走獸人殃艮來地  
氣洩人病震來人不安深雪酷寒巽來冬溫明年夏旱  
離來五月大疫坤來水泛溢魚鹽倍貴兌來米貴妖言

為災

立冬日東北風為闕倉風主來冬米貴田家西北風來

來年大熟一云主來年旱天熱

西北有白氣如龍馬宜麻如不至大寒傷物人疫應在

來年四月萬寶全書

立冬四十六日內虹出正北貫坎中冬少雨春多水災

閏俗立冬後十日為入液至小雪為出液液內得雨為

液雨即藥雨百蟲飲此而蟄來春二月雷鳴啟蟄

方狼立冬日採桑葉一百二十片遇閏年多採十片每

用十片遇洗眼日期煎湯洗之治眼百疾附洗眼

日期正月初八日二月初一日三月初五日四月

卷九十月

六

初十日 五月初十日 六月初七日 七月初七日 八  
月十五日 九月初十日 十月初五日 十一月初十  
日 十二月廿三日 閏月 同前 晒一方 用桑樹皮 壹兩  
煎至八分 去渣 澄清 洗  
至一年 如童子一樣

○ 小雪

東風春未賤 西風春未貴

虹見西方麻貴 五月穀貴 一出 一倍 二出 二倍 三出 三

倍 四出 四倍 五出 五倍 民流千里 凡十月內出 占皆同

○ 初一日

晴則一冬多晴 雨則一冬雨

東南風名閃倉風 主來年夏米貴 一云十月初一西北

風糴了蠟糠糶冬春

風雨來年夏旱芝蔴貴蔴不收一云年內旱多陰寒大

雨米大貴小雨小貴

十月初一陰柴炭貴如金

玉芝堂  
談薈

諺云賣絮婆婆看冬朝無雨無風突號咷言冬暖也

雷鳴所當之處骸骨盈野夜尤甚

凡十月朔有霧則明歲正月雨初二有霧則明歲二月

雨廣東  
新語

值立冬主災異值小雪有東風春米賤西風春米貴其

日用斗量米若綴在斗底來春陡貴甚驗

思祀井 井之精名觀狀如美女好吹簫呼其名即

去井鬼名瓊太常記

宜沐浴

忌交易裁衣

忌夫婦容止

○初二日

有雨主芝麻貴五倍

宜龍會日慎行船

○初三日

宜忌刮鍋

○初四日

宜忌責罰人

○初五日

俗以是日為五風生日鳴者集而禱神祈此日有風終年風雨如期謂之五風信石成全謂是初五日二如亭群芳譜云是十五日未知孰是

○勿行謹責

○初七日

如晴再看初十又晴主來年大稔

○初八日

忌許真人曰是日放生比常日有千萬倍功德若此日殺生亦比常日有千萬倍罪業同善

雞鳴時沐浴令人長壽

卷九十月

八



龍會日慎行船

○ 初十日

忌宜拔白

忌夫婦容止

根決明子主青盲目注皆赤白膜痛淚又療脣口青  
色是日採陰乾百日可服

○ 十三日

晴主小兒多病

忌宜拔白

忌割錯

○ 十四日

豕枸杞煎湯沐浴令人光澤無病

忌交易成衣

○十五日

釋下元

晴主冬暖此日有風終歲風雨如期謂之五風信  
月食魚貴

宜東府君朝玉皇忌行船

忌刮鍋

忌夫婦容止

○十六日

晴主冬暖一作主雨主寒

冬晴主  
卷九十月

宜天倉開宜入山修道

○十八日

宜雞鳴時沐浴主長壽

太山府君上天郊時後有惡風如無風即雨慎行

船十九日同

○十九日

宜忌刮鍋

○二十日

宜忌遠行

○廿二日

宜龍會日慎行船

○廿三日

晴未貴

○廿五日

宜雨如不雨主冬溫無水連年人多疾病

忌不宜問疾

忌刮鍋

○廿六日

宜忌刮鍋

○廿七日

宜東府君朝玉皇忌行船

忌刮鍋

卷九十月

十

○廿八日

晴主冬溫不凍

忌且忌夫婦容止

○三十日

如有風雨主穀貴五倍民多疾病夭死一云占與朔同

○十一月

釋名仲冬 玄明天 廣寒月 辜月 暢月

大雪之日鴟鳥不鳴又五日虎始交又五日荔挺生鴟  
鳥猶鳴國有訛言虎不始交將帥不和荔挺不生卿士  
專權冬至之日蚯蚓結又五日麋角解又五日水泉動  
蚯蚓不結君政不行麋角不解兵甲不藏水泉不動陰

不乘陽

仲冬行夏令則其國乃旱氛霧冥冥雷乃發聲行秋令則天時雨汁瓜瓠不成國有大兵行春令則蝗蟲為敗水泉咸竭民多疥癩

是月也芸生蕉紅枇杷綴金楓丹巖桂馥松柏後凋日食人畜俱瘦魚鹽貴糴貴牛死燕大凶占已

月食米貴趙燕惡月無光魚鹽大貴

十一月中遇東南風謂之歲露有大毒若飢感其氣聞

軍著疾疾

腹  
臺笠  
須知

初一初三十九二十日乃各天會合日主有惡風

庚寅至癸巳日風雨糴貴

卷九十一月

虹見火色吉

雷主來春米貴

霧主來年旱

雨雪多冬春米賤一云未賤又云雪多冬春穀賤雪少來年

旱

十一月寒不降五月雷電博雅

一日得壬主旱二日小旱三日赤旱四日五穀大熟五

日小水六日大水七日河決八日海翻九日大熟十日

少收十一十二日五穀不成田家五行

調勿枕冷石鐵物令人目暗

服雞肉味酸寒無毒雞野味之貴食之損多益少足

月食之有補本草

兔肉味辛平無毒主補中益氣孟詵云十一月可  
食服丹石人相宜性冷故也同上與薑橘同食令  
人患心痛

勿食經霜菜令人面無光澤勿食鱸蟹肉令人水  
病勿食陳脯勿食鴛鴦令人惡心勿食生菜發宿  
疾勿食生韭多涕唾勿食黃鼠損神氣勿食蝦蚌  
帶甲之物勿食獐肉動氣勿食火焙肉食勿食螺  
螯螃蟹損人志氣長尸蟲

忌是月天道東南行作事出行宜向東南吉  
不宜用子日犯月建作事不吉



是月御女宜初六十一十四十六十七十九廿六

廿九等日

新幼書幼

禁是月如有雪收儲雪水埋地中浸穀倍收不怕旱

良方

治撲打跌損傷方十一月來野菊花連枝葉陰乾

用時每野菊花一兩加童便無灰好酒各一碗同煎熱服極效

居易錄

雜事

伐竹木不蛀

貨薪柴縣絮 伐木取竹箭 造什物農具 折

麻放麻 刈蒿棘 儲年支草于隙地至六月及

秋霖時俱利倍

○冬至

冬至晴萬物不成又主年必雨

便民圖纂

是日月中豎八尺表視其晷如度者歲美人和不則歲惡人惑尋進則水尋退則旱進一尺則日食退一尺則

月食

羣芳譜

冬至風寒吉風從乾來明年夏旱坎來歲稔艮來正月多陰雨震來雷不止大雨連行乳母多死癸來百蟲寒物離風名虛風賊風冬溫乳母多死水旱不時穀貴人疫避之吉夜至無害坤來蟲傷禾多水民不安兌來明秋多雨一云未熟

冬至西南百日陰半晴半雨到清明

田家五行

冬至日南風晝至者民皆中於虛風則多病

京房占

冬至後下己日風從己方來大赦

東南風名歲露若飢而中其氣開年瘟謹避之

冬至赤氣見早黑水白疾

冬至四十六日內虹出東北方貫艮中春多旱夏多火

災粟貴易占房

雨則年必晴晴則年必雨諺云晴冬節暗年朝

冬至雪盜賊橫行若前後有雪來年大水人飢

冬至後九日遇壬法當有年陸放翁詩註翁

冬至日教至元旦五十日者民食足若不滿五十者一

日減一升有餘日益一升最驗四時纂要

曆家推朔旦冬至夜半甲子謂之曆元最難得

冬至在月頭當了綿被買牛頭冬至在月尾賣來牛頭

買綿被

農政全書

古占書以朔日冬至為令辰

羣芳譜

唐人冬至前一日謂除夜所謂冬除也

老學庵筆記

至前米價長至後必賤落則反貴

諺云冬前米價長窮人男女到好養冬前米價落窮人家越蕭索

冬至見雲送迎從下鄉來歲美民人和不疾疫無雲送迎德薄歲惡一云南至有雲迎日年豐之象

青雲北起歲熟民安赤旱黑水白尖黃大熟無雲凶

冬至後一九至二九相喚不出手三九二十七離頭吹

筆策四九三十六夜眠如路宿五九四十五太陽開門  
戶六九五十四貧兒爭意氣七九六十三布衲簷頭擔  
八九七十二猫狗尋地陰九九八十一犂爬一齊出  
調攝冬至子時梳頭一千二百以通陽氣終歲五臟流

通名神仙洗頭法

冬至日宜于北壁下厚鋪草而卧以受元氣養生要術  
冬至陽氣萌陰陽交精始成萬物氣微在下不可

動泄五經通義

冬至陽氣歸內腹中熱物入胃易消化養生要

宜忌冬至後五日夫婦當別寢戒容止法天生意

冬至前後五日宜忌房事

冬至後庚辛日不可合陰陽大凶千金

至後十日夫婦當戒容止翰墨全書

禁 是日鑽鉞取火可去瘟疫簡易良方

至日以赤小豆煮粥合門食之可免疫氣

種 冬至日用糟水澆海棠花

雜 冬至日取水儲之後七日輒生白物如雲母狀仇池筆記

○ 初一日

有風雨宜麥一云西風北風主盜起

大雪主年荒歲凶民災

值冬至主年荒歲凶

卷九十一月

宜忌刮鍋

○初三日 龍神交會主惡風宜慎程途

宜忌刮鍋

○初四日 龍神交會主惡風宜慎程途

晴主大旱

宜勿責譴下人大忌

○初八日

是日得壬主海翻五行家

○初九日

宜忌刮錫

○初十日

宜拔白永生全谷  
忌園記

沐浴至老光澤

○十一日

宜忌沐浴酉陽雜俎云可沐浴

天倉開宜入山修道

忌以火灸背

○十二日

宜忌交易成衣

○十五日

卷九十一月



宜沐浴吉

○十六日

如晴主人民不安

宜沐浴吉

忌刮鍋

○十七日

西北風主米賤

為彌陀生日忌南風有偈云南風吹我面有米也不賤  
北風吹我背無米也不貴極驗

嘉定縣志

○十九日

宜龍神交會主惡風雨宜慎程途

○二十日

宜忌遠行

○廿二日

無雨主江海決魚行人道

宜忌交易成衣

龍神交會主惡風雨宜慎程途

○廿三日

宜忌不宜問疾

○廿五日

宜忌刮鍋

忌夫婦容止

卷九十一月

○廿七日

忌 忌 刮 鍋

○廿八日

宜 龍神交會主惡風雨宜慎程途

忌 夫 婦 容 止

○廿九日

遇 未 日 宜 雨 如 不 雨 主 民 多 病 夫 凡 富 貴 者 貧

○三十日

風 雨 主 來 春 少 雨 穀 貴 五 倍

沿 以 赤 小 豆 煮 粥 祭 門 畢 合 家 食 之 辟 瘟 疫

補遺立冬

十月立冬晴則一冬多晴雨則一冬多雨亦多陰寒

全書  
下同

立冬晴過寒諺云立冬晴過寒勿要樞柴積又主有魚  
冬前霜多主來年旱冬後多晚禾好

十月

五穀貴賤常以十月朔日占風從東來春賤逆此者貴  
占師賤

冬至

冬至晴主來歲稔

嘉興縣志

冬至日觀雲頊于子時至平旦觀之

卷九補遺

欲知來年五穀所宜是日取諸種各平量一升布囊盛  
之埋窖陰地後五日發取量之息多者歲所宜也輯農要  
冬至後一日得壬炎旱千里二日得壬小旱三日得壬  
平四日得壬五穀豐五日得壬少水六日得壬大水七  
日得壬河決流八日得壬海翻騰九日得壬大熟十日  
至十一日得壬五穀不成靖臺占法

田家占候集覽卷十

海甯鄒存淦僊筮編輯

〇十二月

釋名 季冬 除月 暮冬 窮紀 杪冬 嘉平 臘

月 涂月 暮節 窮稔

小寒之日鴈北向又五日鵲始巢又五日雉始鳴鴈不  
北向民不懷主鵲不始巢國不甯雉不始鳴國大水大  
寒之日雞始乳又五日鷺鳥厲疾又五日水澤腹堅雞  
不始乳淫女亂男鷺鳥不厲國不除兵水澤不腹堅言  
乃不從

季冬行秋令則白露早降介蟲為妖四鄙入保行春令

卷十十二月

一

則胎夭多傷國多固疾命之曰逆行夏令則水潦敗國  
時雪不降冰凍消釋

是月也梅蕊吐山茶麗水仙凌波茗有花瑞香郁烈山  
發馨發

日食其下水災夏麥不收穀貴牛多死趙大凶黃帝占  
月食有大水秦國惡月無光五穀貴若九月至十二月

皆無光主五穀大貴

月內冷風暴作六七月橫水未貴

虹見主黍穀貴

雷主來年旱澇不均又云雷鳴雪裏陰雨百日

有冷雨暴作來年六七月橫水

上酉日雨主冬春連陰兩月

大寒小寒風雨損畜

月內萌類不見六月五穀不實

上旬中旬有雪來年梅水盛上酉日雪來年旱澇不勻  
凡雪日間不積為之羞明霽而不消為之等伴主再雪  
又主來年多水

霧主來年早禾傷諺云臘月有霧露無水做酒醋酉日  
尤驗一云月內有霧主來年有水

重霧三十日群獮起

湘潭記

冰後水長至來年水冰後水退主來年旱若水堅可渡  
亦主水



柳眼青來年夏秋未賤

冬至第三成為臘臘前得兩三番雪謂之晴前三白諺

云若要麥見三白又主凍殺蝗蟲子又云臘雪是被春

雪是鬼又主來年豐稔諺云一月見三白田翁笑嚇嚇

立春在殘年主冬暖諺云兩春夾一冬無被暖烘烘農政

書全一云兩春夾一冬十個牛欄九個空月令廣義

一年兩頭春餓殺經紀人傳家寶

立春在殘年主冬暖諺云立春日煖凍殺百鳥鄧公陶書

調是月去凍就溫勿泄皮膚大汗以助胃氣

福勿大煖勿犯大雪

勿妄針刺以血澀精不行

食版是月可食芋頭他月食之發病

月末一十八日少甘增鹹以養腎氣

勿食經霜菜果減人顏色勿食鱗鱉蝦蚌鱗蟲之物損人神氣勿食生椒勿食葵菜勿食猪肉牛肉

忌

是月天道西行作事出行俱宜向西吉

不宜用丑日犯月建作事不吉

臘日祭竈吉冬至後三日

是月勿歌舞犯者凶

是月御女宜初四初九十二十三十四十六十七

廿四等日幼幼新書

嗅臘梅花生鼻痔

卷十二月

禁

臘月晨起以炷餅捲猪脂食之終歲不生瘡疥

癸丑日造門盜不敢入

十二月暮於宅或屋四角各埋大石為鎮主災異  
驚嚇不起

臘月挂猪耳於堂梁上令人致富

臘後遇除日收瓶頭燒灰于坎地上埋之永無鼠

耗鐸碎

自入臘遇宜上水日勿令人見以少水細洒荐席毡

禱避狗蚤壁虱山居要

子曰晒荐席能去蚤虱

是月取猪脂四兩懸于廝中入夏一家無蠅

雪水浸原蠶矢和五穀種之耐旱不生蟲

臘雪水調寒食麩為糊裱背書畫不生蟲

山居四要

臘月所榨清油收儲蠶房內點燈諸蟲不入熬膏

藥大有神效婦人搽頭黑光更無蟲蠟

良方臘雪水甘大寒儲藏解天行時疫及一切瘡毒一

云能治湯火烙瘡亦治口舌瘡

雪水淋猪可治小兒癩疹

雪水調蛤粉拂痲子極妙

臘月以臘水浸白米三兩宿晒乾碾作粥米遇暑

月泄瀉者煮食之良驗

志雅堂雜鈔

風眼下淚臘月不落桑葉煎湯日日溫洗入芒硝

少許

治療瘰癧雄雞屎臘月猪脂調封之

蠅螂瘦牛屎灰和臘月猪脂敷之

癩瘡炒臘月糟薄之

頭風用臘月烏雞屎一升炒黃末之絹袋盛以酒

三升浸溫服任意當令醺酣

又方以臘月川烏炒黃絹袋裝入酒漬溫服少許

即愈

法天生意

是月上亥日取猪肪脂安瓷罐內埋亥地上一百

日治癰疽內加雞子白十四枚水銀二三錢極妙

家塾  
事親

是月收雄狐膽若有人暴亡未移時者急以溫水  
微研灌入喉中即活當預備救人移時即無及矣  
是月取青魚膽陰乾如患喉閉及骨鯁者以少許  
入口中則愈同上

收猪肪脂背陰乾懸挂能治諸般瘡疥敷湯火瘡及  
六畜瘡疥去蛆蠅熟請般皮條不爛加倍壯勅同上  
是月取皂角燒末為末留起遇時疫早起以井花水  
調一錢服之效

是月取烏鴉一二隻入瓶泥封固燒為末治一切  
勞瘦骨蒸咳嗽米飲調下二錢良

治鬻禿法臘月猪脂二兩生鐵末極細二兩先以

醋泔淨洗禿處再以生布揩令大熱却用猪脂研  
入生鐵末煮沸二三度傅之漸生

臘月猪膽風乾和生葱搗敷疔瘡惡毒

飲食譜

治赤白痢臘月猪膽百枚俱盛黑豆入內著麝香

少許陰乾每用五七粒為末生薑湯下

同上

治喉痺臘月朔取猪膽不拘大小五六枚用黃連

青黛薄荷僵蠶白礬朴硝各五錢裝入膽內青紙

包了掘一地窟深方各一尺以竹橫懸此膽於內

用板蓋定候至立春日取出待風吹去青紙膽皮

研末密收每吹少許

同上

小兒丹毒臘月猪脂和塗下土傅乾則易之

治痲子方將臘雪收藏瓶內封口至端午日放黃  
瓜在瓶內浸之封好遇有痲子敷上即愈  
取活鼠用油煎為膏敷湯火瘡滅癩疔極良本草圖經

丁日忌種麥

種植雜事

收臘雪用大甕盛儲埋窖內無窖埋於背陰高阜  
地下稻草蓋之勿令雨水流入

作千里脯法冬令極冷之時取炮淨好猪肋肉每  
塊約二觔餘勿侵水氣晾乾後去其裏面浮油及  
脊骨肚囊用糖霜擦透其皮併抹四圍肥處若用鹽亦  
可然藏懸風多無日之所至夏煮食或加鹽醬煨  
味極香美且無助濕發風之弊為病後產後虛人

卷十十二月

六



食養之珍

隨息居  
飲食譜

是月伐竹木不蛀

造車 儲雪水

收臘糟

糞地

刈棘屯墻

造農器 收羔種

收牛糞 農桑輯要

○ 初一日

風雨來春早月內冷風暴作六七月橫水來貴

東風半日不止六畜災西風半日不止主旱六畜疫

值小寒主白鬼見祥值大寒虎害人

○ 宜沐浴

○ 初二日

○ 宜沐浴去灾悔吉

○初三日

俗呼為拘猫日他月初三晴則主半月之晴獨此日宜

雨天中

宜忌刮鍋

可齋戒

龍神朝會之辰時有惡風或雨宜慎遠行

○初六日

宜天倉開宜入山修道

龍神朝會之辰忌遠行

○初七日

宜拔白

卷十十二月

不宜水陸遠行凶

忌夫婦容止

○初八日

名釋 王侯臘

臘鼓鳴春草生時焚歲

忌祀竈

沐浴消除罪障

龍神朝會之辰慎遠行

忌夫婦容止

治禁 以諸果品煮粥合家食之增福

臘中儲水來年治一切疾病製飲食是日水尤神

懸猪脂四兩于廁上則夏月無蠅

良方

臘八日收鱖魚燒存性研細用淡酒調服治小兒

疰疹不出即發更安懸廝上不生蟲

撮農桑要

臘八日取雄猪膽一個裝入白礬末陰乾研末次  
年臘八日再取猪膽入前猪膽末如此三四次過  
單乳蛾喉癰喉疔腫痛吞嚥不下命在須臾者用  
一二分吹之屢試如神虛火喉症忌用

○ 初九日

忌交易成衣

○ 初十日

忌宜拔白

卷十十二月

○十三日

忌夜半沐浴得神人衛護

○十五日

忌沐浴去灾

忌刮鍋

○十八日

忌宜拔白

○二十日

忌宜拔白

沐浴去灾悔吉

龍神朝會之辰慎遠行

忌夫婦容止

○廿一日

忌不宜問疾

方取銀杏葉煎湯洗眼明目

○廿三日

忌沐浴吉

○廿四日

是日田夫牧豎候昏時爭立竿燎火于野名曰照田蠶  
看火色占來年水旱白主水紅主旱猛烈主豐衰微主  
歉東北風吉臘盡火光及燒糝盆爆竹看火色大率與  
田蠶火同

宜忌剖鍋

治禁 廿四日取葦一頭燒在於子地上埋之永無葦耗

是日取井華水平旦初汲者浸乳香教塊至元旦  
五鼓煖令溫從小飲乳香一豆大嚥水三口則一

年不染時疫

遵生八牋

種植 是日栽柳不蛀

雜事 是日床底點燈謂之照虛耗

除夜同

以酒糟塗竈門謂之醉司命

○廿五日

宜忌 忌交易成衣

治禁 是日夜煮赤豆粥合家食之出外者留與名曰口

教粥能祛瘟鬼

田家五行

○廿六日

宜龍神朝會時有惡風或雨宜慎遠行

○廿七日

宜忌割鍋

○廿八日

宜是日及廿九三十日齋戒焚香靜坐謂之存神可

通仙靈

忌夫婦答止

○廿九日

名擇小除夕

卷十十二月

十



○三十日

名釋除日 除夕

東南風主來年水大東北風主來年大熟諺云今夜東北來年大熟一作主五未大熟

是日作粉窩十二枚甑中蒸熟驗之第一枚主正月以次挨看如有水則其月有雨水多則雨多乾則無雨閏月加一枚

除夕取長流水秤之輕重元日又取水秤之以較兩年之高下

除夜以安靜為吉諺云除夜犬不吠新年無疫癘除夜惡犬嘯新年多火盜或因公私作鬧驚動閭里者村中

來年必遭橫事

忌以枸杞湯沐浴令人不病

龍神朝會時有惡風或雨宜慎遠行

治禁取椒二十一粒勿與人言投井中以絕疫

取富家田內土泥竈主招財一云於膏腴田內取土泥竈

五更抱小兒于獨槽猪窠內漆遇生痘稀有驗

以薪燎庭中能辟災而助陽氣

除夜有司疫使者降人間宜以黃紙硃書天行已

過四字貼門額吉法夫主意

是日掘宅四角各埋一大石為鎮宅主災異不起

司書有鬼名曰長恩除夕呼其名祭之則不蠹修

類彙

是日取圓石一塊雜以桃核七枚埋宅隅絕疫鬼

遵生  
八歲

除日以合家頭髮燒灰同脚底泥包投井中呪曰

勅令我家眷屬竟年不害傷寒辟却五瘟疫鬼同上

其夜家奉神佛前併主人臥室燃燈達旦主家宅

光明攢火圍爐合家共坐以助陽氣同上

除夜宜焚辟瘟丹或蒼朮皂角楓芸諸香以辟邪

祛濕宣鬱氣助陽德即闕室虛堂亦無不到

太倉公辟瘟丹方凡官舍旅館久無人到積濕積

邪容易侵人製此藝之可以遠此宜于五六月終

日焚之可以辟瘟遠邪用蒼朮 壹觔 台芎 黃連 白  
朮 羌活 各捌兩 川芎 草烏 細辛 柴胡 防風 獨活 甘草  
藁本 白芷 香附子 當歸 荆芥 天麻 官桂 甘松 乾薑  
三奈 麻黃 牙皂 芍藥 各四兩 麝香 參 分石 共二十六  
味 為末 煮紅棗肉 為丸 如彈子大 每用一丸 焚燒  
遵生  
八葉  
除夕懸屠蘇元旦見于井中令沉至泥底正月朔旦  
取藥囊置酒中煎數沸取起東向飲之從小至大  
一家無疫以藥渣投井中每歲飲之可長年無病  
同上

方良是日或端午日午時收猪心血同黃丹乳香相和

為丸鷄豆大以紅絹盛挂門上如有產婦子死腹中者令酒磨一丸服之即下

取大黑魚一尾小者用二三尾於昏黃時煮湯浴小兒遍體須七竅俱到可免出痘不可嫌腥而另

以清水灌濯水當清  
暇錄

○土王用事

淮南子以季夏之月當之蓋土雖寄四季而獨王于季

夏也

土星即鎮星主德占為夏季跡陳于外兆登于中歲三百六十五日五行各司七十二日土居中央分旺于辰戌丑未四季之月各一十八日是謂土王用事四立之前各一

日八

戊己日燕不銜泥慮巢不堅凡宅舍土工等事亦宜避  
土日

服六月勿食吳茱萸令人患赤白痢四季勿食脾肝  
食羊血脾病宜食米棗葵禁酸味

○閏

閏附月之餘日積分而成於月者也語云欲知來歲閏  
先算至之餘更看大小盡決定不差殊其法如來年該  
置閏只以今歲冬至後餘日為率如今歲十一月二十  
二日冬至本月尚餘八日則來年當閏八月如係小盡  
則閏七月若冬至在上旬則以望日為斷十二日足則

復起一教若餘十三日則無閏

閏所以

軀

中朔也

漢書律歷志

律

閏月之年桐增葉藕益節棕櫚半葉黃楊厄寸鳳尾十  
三閏者陽之餘

正月節戌時北斗之杓指於寅位之初雨水正月中氣  
斗杓戌時指寅位之中二月指卯三月指辰各名曰月建  
亦名斗建若遇閏月其月內無中氣戌時斗柄杓指於兩  
辰之間七修類稿

補遺

十二月

十二月謂之大禁月忽有一日稍暖即是大寒之候

諺云一日赤膊三日纏

一作農政全書下同

諺云大寒須守火無事不出門又云大寒無過丑寅大熱無過未申

朔日值大雪或冬至皆主有灾風雨主麥好西風主盜賊起陶朱公書

常以歲除夜五更視北斗占五穀善惡其星明則成熟暗則有損貪狼主蕎麥巨門主粟祿存主黍文昌主芝麻廉貞主麥武曲主粳糯破軍主赤豆輔星主大豆通考